

Broj: 08-32-1189-1/24

Sarajevo, 08.08.2024. godine

Na osnovu člana 3. Zakona o raseljenim licima i povratnicima u Federaciji Bosne i Hercegovine i izbjeglicama iz Bosne i Hercegovine („Službene novine Federacije Bosne i Hercegovine“, broj: 15/05) i Strategije saradnje sa iseljeništvom Federacije Bosne i Hercegovini za period 2020.-2024. godina („Službene novine Federacije Bosne i Hercegovine“, broj: 98/19), a u cilju sufinansiranja realizacije projekata u bosanskohercegovačkom iseljeništvu, Federalno ministarstvo raseljenih osoba i izbjeglica raspisuje:

JAVNI POZIV

za sufinansiranje projekata nevladinih organizacija, javnih visokoškolskih ustanova, javnih instituta i memorijalnih centara iz Bosne i Hercegovine u bosanskohercegovačkom iseljeništvu

1. Predmet javnog poziva

Predmet Javnog poziva je podrška projektima nevladinih organizacija, javnih visokoškolskih ustanova, javnih instituta i memorijalnih centara iz Bosne i Hercegovine koji se realizuju u bosanskohercegovačkom iseljeništvu.

2. Cilj Javnog poziva

Cilj Javnog poziva je podrška projektima u zajednicama bosanskohercegovačkog iseljništva u oblasti kulture, zaštite i promocije bosanskohercegovačke tradicije i povezivanja iseljništva sa maticom u općem smislu.

3. Pravo učešća

Pravo učešća u Javnom pozivu imaju pravna lica – organizacije - koja projekte realizuju u bosanskohercegovačkom iseljeništvu, i to:

- udruženja i fondacije sa sjedištem na području Bosne i Hercegovine
- javne visokoškolske ustanove i javni instituti čiji su osnivači organi vlasti na svim nivoima vlasti u Bosni i Hercegovini a koji se bave pitanjima iseljništva i saradnjom sa iseljeništvom i
- memorijalni centri sa sjedištem na području Bosne i Hercegovine.

4. Finansijska sredstva

Planirana sredstva za sufinansiranje projekata u skladu s ovim Javnim pozivom iznose do 700.000,00 KM (slovima: sedamstotina hiljada KM).

Maksimalna vrijednost sufinansiranja jednog predloženog projekta, po jednom korisniku, iznosi do 50.000,00 KM (slovima: pedeset hiljada KM).

5. Opći kriteriji za dodjelu finansijskih sredstava:

Prijava na Javni poziv obavezno treba da sadrži sljedeće dokumente:

1. Čitko popunjen, potpisan i ovjeren Prijavni obrazac koji je dostupan na internet stranici Ministarstva www.fmroi.gov.ba ili se može preuzeti lično u prostorijama Ministarstva na adresi Hamdije Čemerlića broj 2., Sarajevo;
2. Izvod iz registra udruženja, fondacije ili osnivački akt za memorijalne centre, javne visokoškolske ustanove i javne institute, ne stariji od 90 dana;
3. Uvjerenje o poreskoj registraciji (ID/JIB broj);
4. Potvrda banke o otvorenom računu ili ugovor sa bankom o otvaranju računa;
5. Projekat koji se planira realizovati u iseljeništvu sa detaljnim opisom projekta, aktivnostima, finansijskim planom i očekivanim rezultatima;
6. Uvjerenje o izmirenih poreskim obavezama izdato od strane nadležne poreske uprave, ne starije od 30 dana;
7. Finansijski izvještaj o radu za 2023. godinu (bilans stanja, bilans uspjeha) ovjeren od strana nadležnog organa (FIA, AFIP).

Svi dokumenti se dostavljaju uz prijavu u originalu ili ovjerenoj kopiji od strane nadležnog organa ne starijoj od 30 dana.

6. Posebni kriteriji za dodjelu finansijskih sredstava:

- 6.1. realizovani projekti u oblasti saradnje sa iseljeništvom i afirmacije kulture sjećanja u iseljeništvu u proteklih pet godina (dokazuje se izjavom o realizovanim projektima, potpisanom i ovjerenom pečatom aplikanta te popratnim narativnim izvještajem);
- 6.2. potvrđena partnerstva sa subjektima u iseljeništvu u realizaciji projekta (dokazuje se pisanim izjašnjenjem partnera);
- 6.3. preporuka za projekat izdata od strane lokalne zajednice (općine);
- 6.4. kvalitet projekta i njegov efektivni uticaj na saradnju sa iseljeništvom po ocjeni Komisije za izbor korisnika;
- 6.5. izjava o očekivanim rezultatima ovjerena pečatom aplikanta.

7. Način izbora korisnika

Otvaranje prijave, analizu projektnih prijedloga i rangiranje aplikanata po osnovu Javnog poziva će vršiti posebna komisija koju će imenovati federalni ministar raseljenih osoba i izbjeglica.

Komisija će razmatrati prijave u skladu sa "Procedurama za izbor potencijalnih korisnika za sufinansiranje projekata nevladinih organizacija, javnih visokoškolskih ustanova, javnih instituta i memorijalnih centara iz Bosne i Hercegovine u bosanskohercegovačkom iseljeništvu" donesenim od strane federalnog ministra raseljenih osoba i izbjeglica, te u skladu sa odredbama ovog Javnog poziva.

Komisija zadržava pravo provjere tačnosti podataka iz aplikacija na Javni poziv, te će, u slučaju da utvrdi da podaci nisu tačni, predmetnu aplikaciju odbaciti kao neurednu.

Korisnici Javnog poziva za sufinansiranje projekata nevladinih organizacija i memorijalnih centara iz Bosne i Hercegovine u bosanskohercegovačkom iseljeništvu iz 2023. godine mogu aplicirati i na

ovaj Javni poziv s tim da, ukoliko budu izabrani za korisnike, sa njima neće biti potpisan ugovor do podnošenja potpunog izvještaja o realizaciji projekta sa prošlog Javnog poziva.

8. Objavljivanje rang listi korisnika

Preliminarna i konačna rang lista po ovom Javnom pozivu će biti objavljena na internet stranici Federalnog ministarstva raseljenih osoba i izbjeglica www.fmroi.gov.ba.

9. Dostavljanje prijava na javni poziv

Popunjen Prijavni obrazac i traženu dokumentaciju poslati **preporučenom poštom** na adresu:

**Federalno ministarstvo raseljenih osoba i izbjeglica,
Hamdije Čemerlića 2.
71000 Sarajevo**

sa naznakom: *Prijava na „Javni poziv za prijave sufinansiranje projekata nevladinih organizacija, javnih visokoškolskih ustanova, javnih instituta i memorijalnih centara iz Bosne i Hercegovine u bosanskohercegovačkom iseljeništvu“ – Služba 08*

(Na poleđini koverta obavezno navesti naziv podnosioca prijave, tačnu adresu i broj telefona)

Rok za dostavljanje prijava je **23. august 2024. godine**.
Nepotpune i neblagovremene prijave neće se uzimati u razmatranje.

Dodatne informacije mogu se dobiti putem kontakt telefona: 033 294 162 i 033 294 181.

MINISTAR

Nerin Dizdar